

王雲五主編
門人陳鉉編

明末鹿忠節公善繼年譜

臺灣商務印書館發行

中華民國六十七年七月初版

明末鹿忠節公善繼年譜 一冊

元定價新臺幣三十元正

編者 陳 鏞

門

主編者 王 雲 五

發行者 臺灣商務印書館股份有限公司

印刷及發行所 臺灣商務印書館股份有限公司

臺北市重慶南路一段三十七號

登記證：局版臺業字第〇八三六號

版權所有
翻印必究

新編中國人名彙集索引

所謂新編中國人名彙集，係以中華民國
十有五年一月一日。因抗戰而中止。是日
國二十一年一月一日。在彼相後，或收單，迄二十
六年八月三十一日。乃抗戰終局，利刃在彼，終了
此項彙集，係一部分，以信託與東方圖書館之
司，先後訪問，未收者數十萬冊，其中檢方
一萬二千三百餘冊，連同中國史地書，不收佔內
外者，計有千餘冊，合計不下二百餘冊，以所
輯加研究。藉慰彙集之志，定於明年，多為

式及之等門也、連同新造人等心及土地前也
 爲利、合計之是二万餘以上、即境の十ヶ年前
 是之功、即考二三ヶ、若一町經訪遺使即計五
 、若即訪遺二三万餘左右、一町通野村及且房
 多寄内表地也、即定何町二万餘、一町通諸詢
 爲寄引、公爲後主都之政寄引、殆在一二万爲
 之也、即侯某年諸寄引之七成、二万餘以細也
 其之、取定配課、世々細爲寄引、後明細也之
 之諸是川多也、其諸是少は乃爲平也、始は後
 乃、用即定自本年四月起毎月常於十餘、分

新編中國名人年譜集成附詳盡索引序

所謂新編中國名人年譜集成者，以余曾於四十年前從事同一工作。因抗戰而中止。蓋自民國二十一年一二八本館規後半載復業，迄二十六年八一三之全面抗戰期間，利用本館董事會決議年撥盈餘一部分，以供復興東方圖書館之用，先後訪購木板古籍十四萬冊，其中括有年譜一百二十種，連同中國史地叢書所收館內外專家新著如千種，合計不下百四十種，得暇輒加研究。藉悉年譜之作，實始於宋，多數為譜主自訂，或口授子弟門人筆述；不則亦於譜主沒世未久，其門人故舊，就見聞或遺稿代為編纂，幾等於譜主親撰。其中所述言行史實大都詳確，古代著作原以藏諸名山傳諸其人；故鮮有顧忌，此與歷代正史率由新朝為勝朝所撰，遇有不利於新朝之記載，無不刪汰，甚或曲筆為之。幸而我國修史者多為具有正義感之學者，不肯歪曲過甚，寧刪汰忌諱；然因是不免失真已多，持與私人年譜相較，往往不無差異。此為宋以後之年譜可貴者也。

至唐五代以前之年譜，則由後人就史書或譜主遺著搜集考據而成，不如宋以後各譜之迫真；然合冶一爐，亦足備參證，然究非宋以後年譜之比也。是為余四十年前所得之印像。

今者旅臺將及卅載，續收中外圖籍約達五萬冊。鑑於前在大陸所藏之七萬冊珍貴圖籍，以共匪竊據大陸，未及移出，以致散佚或陷於不可知之命運者，懲前毖後，特斥資自設一圖書館，命名為財團法人雲五圖書館，公諸社會閱覽，計所收中文圖書別集類往往括有年譜在內或有已單行者，連同新收近人著作及史地叢書舊刊，合計已達二百種以上。緬懷四十年前未竟之功，假我二三年，當一面續訪遺佚或新著，當不難達三百種左右；一面選擇精要及具有各方代表性者，假定仍留二百種；一面逐譜編製索引，則最後全部之總索引，殆在一二百萬之數，不僅集年譜索引之大成，亦可持以糾正史書之闕失訛誤。惟是編製索引，須將孤本之年譜先行景印，每譜至少須得若干冊，始便從事。因即決定自本年四月起每月景印十種，分輯發行，其版式不同者皆統一為卅二開本。查古籍多為二十四開或三十二開。卅二開本者，其原式大小不變，廿四開者略予縮小，字體亦朗然可觀。至原史地叢書係卅二開本，除字體過小予以重排，餘則照原式景印。人人文庫本為四十開，字體略小，研究年譜者多為中年以上之士，因一律放大為卅二開，則字體隨版式而加大；且集全書可大小一致，間有佳作為同業出版而必須納入集成者，則當洽讓版權，想同業樂觀厥成，當不難達成協議也。是為序。

鹿忠節公年譜卷上

畿輔叢書 編

門人涿郡陳鉉編

先生諱善繼字伯順姓鹿氏其先小興州人明初內徙家於定興之江村始祖榮榮五世孫府號龍江性孝友慈和樂易卽有以睚眦及者弗爲校封文林郎襄垣縣知縣是爲先生曾祖祖諱久徵號豫軒萬曆庚辰進士江西道監察御史神廟因軍政考察不當罪兵部并斥南北臺省數十人上疏申球謫山西澤州判官熹廟御極追贈光祿寺少卿父諱正字以道號成宇少爲諸生倜儻有大節逆奄時傾身急左魏諸君子之難海內所

謂鹿太公者也封太常寺少卿先生生於積德之後挺然以乾道任自強不息學者咸稱乾嶽先生

明神宗萬曆三年乙亥十月丁丑先生生

是爲十月十三日太恭人田年十六而鞠先生於江村八年庚辰先生六歲

二月祖侍御豫軒公成進士

九年辛巳先生七歲

是年從祖父受章句先生生而凝重少不嬉戲豫軒公暨成宇公不令就塾師庭訓焉

十八年庚寅先生十六歲

十一月曾祖龍江公卒

十九年辛卯先生十七歲

是年娶元配贈恭人王氏容城庠生之楫女

二十一年癸巳先生十九歲

是年試有司以第一人籍於黉宮督學使者周公孔教雅擅人倫之鑒咄咄賞異之

三月十六日子化麟生

二十二年甲午先生二十歲

八月應順天鄉試因場中題未得解歸而旁搜諸家注義其有采輯王文成傳習錄中語者每閱之輒心動時

侍御公方接蘇松先生啟購焉侍御公爲之色喜諭云
看字有會點漆雕開已見大意思擴充得去便是天
地間第一等人眼前功名無論也

二十三年乙未先生二十一歲

是年侍御公寄王文成全書來先生取傳習錄寢食其
中慨然有必爲聖賢之志而一切著落皆身實踐之以
陽明所謂將本體只作一番光景玩弄者爲戒自少至
老在邦在家只求事事不虧本分時時不愧本心故能
崛起北方倡明絕學卒之教身成仁舍生取義爲有明
一代眞儒云

二十四年丙申先生二十二歲

是年侍御公建言謫判澤州以臺檄還里督教甚嚴先生擔承更勇德業舉業與日俱新矣

二十五年丁酉先生二十三歲

是年孫啟泰先生總角遊泮文名蔚起嘖嘖鄉黨間先生過容城聞之遂定交焉先生性不愛飲而具飲之致勸酬歡然春生滿座親知迎者恐後率辭諸富貴下北城榻以爲常北城啟泰先生里也

二十六年戊戌先生二十四歲

先生自髫年與同里杜騰江爲文字交至是社友或相

諱先生正色誠之騰江愕然服其力拔流俗

二十七年己亥先生二十五歲

是年范一臬先生解組歸里夙聞其厯政清敏狀遂奉
侍御公命往謁焉入門見垣不堊地不輒臨衢數椽卽
爲客舍眞趣流行一切分別拘忌矜飾都無所用自是
東身奉教不啻北面事之

二十八年庚子先生二十六歲

是年元配贈恭人王氏卒

八月應順天鄉試

二十九年辛丑先生二十七歲

是年娶繼配封恭人王氏前恭人女娣也

是科會元許公獬次王公衡俱海內知名士先生獨嗜
王文歎以爲從前未有蓋緱山領解後復入山讀書者
十年經史子集無所不窺故其文獨異先生嘗語人曰
學不透本原而端坊表與夫文不悉機竅而登甲科者
皆謂之暗合非不驅駕一時而反之吾心求所謂自得
者則未也

二十年壬寅先生二十八歲

是年先生文日進邑孝廉楊太樸嘗謂啟泰先生曰伯
順爲文五經四書無不聯貫每至後幅皆有一段確然

不拔之論若同出一源者何說耶啟泰先生以語先生
先生曰得力固在傳習錄爾蓋先生有本之學學自不
同問渠那得清如許爲有源頭活水來其斯之謂與

三十一年癸卯先生二十九歲

八月應順天鄉試

三十二年甲辰先生三十歲

二月啟泰先生會試不第先生訪之援王文成世以不
得第爲恥吾以不得第動心爲恥相勸勉

三十三年乙巳先生三十一歲

是年啟泰先生居肯軒公憂築廬墓側顏曰時思亭先

生時過唁焉輒徘徊不忍去因有詩云橫襟東海揖耶
山中有一廬無愧顏毀後僅餘眉宇在愁來且把蓼莪
刪地當趙北燕南際人跨椒山夢驥間觀此亦可以見
啟泰先生品行矣

三十四年丙午先生三十二歲

八月領順天鄉薦出王公以悟之門先生既登賢書布
衣草屨如常贊王公惟紅白簡數種門下常賞盡絕之
嘗謂登進之士貪若固然者實自妄費始妄費則負債
負債則必取償於服官時故痛洗夙弊如此

三十五年丁未先生三十三歲